

息既久亦宗師之道行升開寂通之妙其在斯乎顧山志不可不輯而不既不可無述也昔唐玄宗問理化於李玄靜玄靜對曰道德經君王之師也漢文帝行其言仁壽天下又諡以金鼎曰道德公也輕舉公中之於耳後之人蓋體玄靜之格言踵宗師之誠感則庶幾休應是又可續志與茲山為無窮也秦定甲子日南至集賢大學士光祿大夫西秦趙世延序

○欽惟皇元之有天下也首崇清靜之道以開秦平之基是以方外祠臣特蒙簡注心輝炫焯表章山林若不著為成書後世何以考見顧余斯語名山寶閣至大庚戌予以記事至茅山因閱其山之舊志遺闕甚多嘗以語之四十四代宗師牧齋王真人未幾真人傳真山志無所聞後五年復祀其山又以語之嗣宗師劉真人十又三年為秦定丙寅天子用故事燕其山于實代禮始獲親其成書凡十有五卷自漢晉而下及齊梁唐宋之言搜括

無遺噫何其詳哉其首篇曰誥副墨則國朝所封三真君制詞三峯觀賜額勅書具在皆予所奏請者其末篇曰雜著則有仁皇用先開府張公所奏還賜玉章始末嗚呼是書前後凡二十年始成仙靈誠有所待耶不然國朝褒封錫額還賜玉章諸異恩又將補闕於遺於成書之後作者不無憾焉平章趙公既為之序予嘉是書之傳有益斯道而予言之勉成者不徒然也故為之書秦定丁卯春正月持進上卿玄教大宗師吳全節序



茅山志叙錄

向曲有記尚矣宋紹興二十年南豐曾伯孚仲昭臺道士傳霄子昂修山記四卷所書山水祠宇粗錄名號而已考古述事則猶畧焉大彬登壇一紀始克修證傳宗經錄又五載而成是書凡十二篇十五卷題曰茅山志載惟茲山稟靈異於開闢之初應帝王於虛無之表夏禹巡幸秦始登崇漢元壽二年太帝九錫茅君白日神仙其名益大顯于天下及晉宋經道之興梁唐尊尚之篤真人道士代為帝者師龍文鳳札積如雲霞慨乎年世曠邀聖書罕存追錄見聞百餘一二暨我皇元混一區宇世祖聖德神功文武皇帝首降明詔召嗣宗師蔣君宗瑛詣闕錄是累朝大護其教迺延祐三載加號三君改觀三峯光掩前古聖人以神道設教有自來矣作誥副墨第一加封明詔若曰茲山之靈以氏為號茅君真曹蓋先傳焉按登真隱訣真傳例列聖道君稱紀錄真稱傳夫以三茅秦漢道君今日下

土仰迷聖蹟何得稱傳作三神紀第二金壇
 華陽洞天金陵地肺福地相括真人所謂養
 真之福境成神之靈墟雖百世可知也集諸
 山水洞穴作括神區第三觀方平海中揚塵
 之論令成華表去家之語是知仙聖按行民
 間亦嘗咄咄古今之異玄蹤所在不與陵谷
 遷變者幾希作稽古蹟第四上清經法下教
 出世始晉興寧二年紫虛魏元君降授瑯琊
 王公府舍人楊君作隸字寫出以傳護軍長
 史許君父子其圖錄秘非盟跪不傳今疏篇
 目使學真之子略見曉焉書論附名其左作
 道山冊第五初元始七傳而至紫虛自紫虛
 積于今四十五代苟非其人道不虛行河東
 柳誠故云道門華陽亦儒門涑泗作上清品
 第六劉向云天有神司仙人充之洞宮官停
 自真詰玄通記傳出時運變易應有遷補譬
 如周禮漢儀不復相同神道幽遠非世所知
 作仙曹署第七山源曲而有容高尚求志之
 士棲遁其間不可殫紀所來古今卓行之著
 明者若夫深賤無為潛升晨景則為得而名

作采真游第八魏晉六朝館宇散居林麓唐
 宋始勅改宮觀之盛奉祠祝釐此其地也作
 樓觀部第九丹砂寶氣金玉華津人服之而
 引年易質其清潤積久發於芝英草木神異
 而靈長信物理之固然作靈植檢第十碑銘
 書刻載道之舟車也真人手澤猶得模楷而
 立德立功立言者文亦在茲手作錄金石第
 十一古人采詩蓋有關名教山中賦詠散逸
 既多此皆絕妙好辭足麗於飛空誼歌之末
 作金薤編第十二終焉是志之作不問今昔
 一行一言錄其至善其或傳事謬撰辭蕪
 惡如指担一無所取非脫遺也於戲太史公
 稱天下名山南華稱博太真人若句曲兼二
 者蓋千數百年蒸鬱流光未有若斯之盛者
 也後之學士無狹其所居無厭其所生無小
 無大查是皆以清靜為本尚有微於斯文哉
 大元天曆元年歲在戊辰十二月二日嗣上
 清經籙四十五代宗師洞觀微妙玄應真人
 劉大彬序

茅山志卷之一

上清嗣宗師劉大彬造

詰副墨

漢詔詰

天皇大帝授茅君九錫玉冊文漢末

壽二年大歲庚申
八月十八日巳酉

惟盈虛擬遠朗幽眈妙玄爰自童蒙散髮北
 山靜心林澤積思求神登峻履谷艱尋師門
 櫛形絕崢投軀萬津丹誠率往肆其天然遂
 造明匠迺受靈篇翦髮祝跪踐首截身帶索
 自樂不恥飢寒所適惟道所保以真情昭上
 帝感激太玄今敬授盈位為太元真人領東
 嶽上卿司命神君
 君平心格正秉操金石丹心矯衆棲神高睨
 今故報以玉鉞綠旌八威之策使征伐邪源
 折衝萬神其一君寒凍林谷味玄仰真思激窮
 岫啓心精誠今故報以紫髮之節竊數華冠
 使君招驅千靈封山召雲其二君棄家獨往雜
 親樂仙契瀾嶮試冬袒山川今故報以繡羽
 紫帔丹青飛帟使君從容霄階劈命玉真其三

一

六